



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

IGREYIDI 12

ISINDEBELE ILIMI LEKHAYA (HL)

IPHEPHA LOKUTHOMA (P1)

NOVEMBA 2015

IMITLOMELO: 70

ISIKHATHI: Ama-iri ama-2

Iphepheli linamakhasi ali-12.

**YELELA**

1. Iphepheli LINEENGABA EZINTATHU: ISIGABA A, B kanye NESIGABA C.
 

ISIGABA A:	Ukufunda nokuzwisia	(30)
ISIGABA B:	Ukurhunyeza	(10)
ISIGABA C:	Izakhi nemithetjhwana yokusetjenziswa kwelimi	(30)
2. Phendula YOKE imibuzo.
3. Thoma isigaba ESINYE NESINYE ehasini ELITJHA.
4. Thalela ngemva kokuphendula imibuzo yesigaba ngasinye.
5. Tlola iinomboro zeependulo zakho zifane patsi nangendalela ezinonjorwe ngayo ephepheni lemibuzo.
6. Tjhiya umuda OWODWA ngemva kwaleyo naleyo pendulo.
7. Yelela kobana upeleda amagama ngendalela efaneleko bewutlole nemitjho ezwakalako.
8. Isikhathi esiphakanyisweko sokutlola isigaba ngasinye:
 

ISIGABA A:	pheze imizuzu ema-50
ISIGABA B:	pheze imizuzu ema-30
ISIGABA C:	pheze imizuzu ema-40
9. Tlola kuhle nangesandla esibonakalako.

**ISIGABA A: UKUFUNDA NOKUZWISISA****UMBUZO 1**

Phendula imibuzo engaphasi kwetheksthi eku-1.1 nengaphasi kwesithombe esiku-1.2.

1.1 Funda itheksthi engenzasi bese uphendula imibuzo elandelako.

**ITHEKSTHI A****ABANTU ABAPHILA NOKUKHUBAZEKA EENDAWENI ZEMISEBENZI**

Ngaphasi komThetho wokuLingana womNyaka we-2010 umuntu ekuthiwa uphila nokukhubazeka ngonobuthakathakanofana ongakghoni ukwenza ngefanelo eminye yemisetjenzana yangamalanga. Ubuthakathakobunofana ukungakghonokhu kusuke kubangelwa sisithonofana zizitho ezithileko zomzimba ezirholophelekonofana kubangwe kukhubazeka kwengqondo. Umuntu angabelethwa nokukhubazeka, angakhubazeka ngebanga lengozi bese uthinteka umgogodlha nanyana alimale iinyawo zingasasebenzi. Kesinye isikhathi umuntu uba nokukhubazeka ngebanga lobujamo obuthileko ahlangabeszene nabo. Ukuphila nokukhubazeka kwabantu kuyahluka. Kunokuphila nokukhubazeka okunzinzileko nokuphila nokukhubazeka okurhagalako lokha umuntu nakakhulako, njengokuthi umuntu bekakghona ukwenza izinto ezithileko kodwana ukuya nesikhathi uthole bona akasakghoni ukuzenza. Ukuphila nokukhubazeka okubangelwa kusebenzisa khulu iindakamizwanofana kusela utjwala ngokweqileko akuthathwa njengokukhubazeka ngaphasi komThetho wokuLingana womNyaka we-2010.

Kuyinto ehle nokho bona umuntu ophila nokukhubazeka amukele ukukhubazeka kwakhe. Kuliqiniso khona bona ukuphila nokukhubazeka kwabanye abantu kungaba yinto ebudisi kodwana kuneendlela ezinengi umuntu angamukela ngazo ubujamo bokukhubazeka kwakhe abe akghone ukuphila nabo. Ukuzihlela komuntu ophila nokukhubazeka ngokuqinisekisa bonyana uhlala ahlwengenkile; nendawo ahlala kiyo ihlwengeke, kuphungula igandeleleko angaba nalo bekulethe nokuzithemba. Umuntu ophila nokukhubazeka kufanele akhuthazwe bona ahlale azithabululanofana azibandakanye emidlalweni ayikghonako.

Lokho kuzokuphungula isikhathi sokuhlala atshwenyekile begodu kuzomenza bona abe nepilo ehle. Akangazami ukuphalisana nabantu abangasisebujameni obufana nebakhe ngombana nakungenzeka bamdlule uzokuphela amandla agcine alisile. Ufanele abe mumuntu ohlala azithobile nonemikghwa emihle ngaso soke isikhathi. Nakungenzeka kube nomuntu olinga ukuhlekisa ngaye akangaziqaleli phasi, akakhombise ukuzithemba. Ngokwenza njalo uzabe ona isithunzi saloyo muntu ohlekisa ngaye kabanye abantu. Kuqakatheskile bona afune isekelo kibodorhodere bezokwelapha, kubayeletisi bezehlala kuhle nebanganininofana emalungeni womndeni athembekako. Akazifundise ukuhlukanisa phakathi komuntu omsekela ngokweqiniso nalowo olinga ukwehlisa isithunzi sakhe.

abantu abaphila nokukhubazeka balisizo elikhulu eendaweni zemisebenzi. ISewula Afrika, njengezinye iinarha itlhoga iinsebenzi ezinamakghono azokwazi ukuthuthukisa inarha le. Abantu abaphila nokukhubazeka banendima eqakathekileko ekufanele bayidlale ekuthuthukiseni umnotho wenarha.

Ngokwamarhubhululo ahlukahlukene ko kutholakele bona umuntu ophila nokukhubazeka uthuthuka abe sisebenzi esinekghono elihle tle, esingenisa inuzu, esikwazi ukusebenzisana nezinye iinsebenzi nesineemfiso ezhile ngomsebenzi esiwenzako. Kutholakele bona iinsebenzi eziphila nokukhubazeka zisebenza ngcono khulu kunalezo ezinganakukhubazeka.

Azitshwili emisebenzini begodu ziyathembeka emakhamphanininofana emabubulweni eziwasebenzelako. Ngalekwalokho abantu abaphila nokukhubazeka bafanele banikelwe amathuba eendaweni zemisebenzi bebatuthukiswe ngombana lokho kumalungelwabo.

Ukuthuthuka kwethekhnoloji kudlale indima ekulu ekususeni iinqabo ebantwini abaphila nokukhubazeka ukuze bakghone ukungena emabizelweni wemisebenzi abawathandako. Abanengi babo abaphila nokukhubazeka bokungaboni, bokungezwa nabakhubazeke ngokomzimba benza kuhle khulu emabizelweni wekhomphyutha. Ithekhnoloji yenze bona amalanga la sibe namagqwetha angaboniko emehlwani. Kunamalekhtjhara, abotitjhere bemivumo nababonisani bezokuthengisa abangaboniko. Abantu abaphila nokukhubazeka kwamehlo bayakghona ukwenza umsebenzi ofana nokwenza iintina kanye nokufaka amathayela. Abantu abangezwako nabezwela kude benza ngcono emisebenzini enetjhada efana nokubhodulula iinkoloyi nengaba nemithelela emimbi ebantwini abezwako. Amabizelo ahlukahlukene ko afana newezamaHlathi, ubuKghwari bokuDweba, iThekhnoloji yezokweLapha neyamaBulungelo enza kuhle ngemisebenzi eyenziwa babantu abaphila nokukhubazeka eendlebeni. Abantu abaphila nokukhubazeka kwezitho zomzimba baphumelele emabizelweni afana nokufundisa, wezehlalakuhle, wokulawula amarhwebo nakamanye.

Iinqabo ezinengi, njengokuthathelwa phasi nokuninana ngokobujamo bepilo kwenze abantu abaphila nokukhubazeka babandlululwe ngokungekho emthethweni emiphakathini abahlala kiyo nemisebenzini. Ngalesi isizathu abantu abaphila nokukhubazeka batlanyelwe umthetho ngaphasi komThetho wokuLingana emiSebenzini we-1998. Umnqopho womthetho lo kususa ukubandlululwa ngokungekho emthethweni nokukhuthaza ukulingana eendaweni zemisebenzi. Umthetho lo uvikela abantu abaphila nokukhubazeka ekuninweni ngokungekho emthethweni njengesiqhema esasidinye amathuba ngaphambilini. Abantu abaphila nokukhubazeka bayahlomula ehlelweni lokubonelela labo ababedinye amathuba ngokobana bakhutjhulelwe eenkhundleni eziphezulu. UNggongqotjhe wezemiSebenzi uphasise umthetho wokuphatha kuhle nokuqatjhwa kwabantu abaphila nokukhubazeka ngaphasi komThetho wokuLingana kwabaSebenzi. Umthetho lo uhlahlela abaqatjhi nabasebenzi ukukhuthaza ukulingana kwamathuba nokuphathwa ngendlela efanako neliganako kweensebenzi eziphila nokukhubazeka.


Usiza ukwakha nokuyeleta inzozo engalethwa babantu abaphila nokukhubazeka eendaweni zemisebenzi. Ngokutjho komThethosisekelo wenarha le omunye nomunye umuntu unelungelo lokuvezanofana lokungavezi ukukhubazeka kwakhe nangabe lokho kukhubazeka akubonakali begodu angeze kwamenza bona angakghoni ukuphumelelisa iindingo zomqatjhi.

[Igugulwe ku-<http://www.wikohow.com/image>, yatjhugululewa esiNdebeleni]

- 1.1.1 Ngokutjho kwetheksthi le kuthiwa ngibaphi abantu abathathwa njengabangaphili nokukhubazeka? (2)
- 1.1.2 Tlola izitho zomzimba EZIMBILI ezingathi nazithintekileko bese zikubangele ukuphila nokukhubazeka. (2)
- 1.1.3 Tlola OKUBILI okuvela etheksthini okungaba ziinzathu ezingakwenza bona uqatjhe iinsebenzi eziphila nokukhubazeka nange unebubulonofana ungusorhwebo. (2)
- 1.1.4 Rhunyeza ngamagamakho okutjhiwo mtloli wetheksthi le esigabenisesisibili. Ipendulo ayibe liphuzu ELILODWA. (2)
- 1.1.5 Ngokuzwisa imihlobo yokukhubazeka ebalwe etheksthini engehla le hlathulula ngawakho amagama bona ngokunjani ukukhubazeka ekuthiwa ngokunzinileko. Ipendulo ayibe liphuzu ELILODWA. (2)
- 1.1.6 Ucabanga bona ukuhlala uhlwengekile lokha nawuphila nokukhubazeka kuliphungula njani igandeleleko ongaba nalo ngokukhubazeka kwakho? Ipendulo ayibe liphuzu ELILODWA. (2)
- 1.1.7 Phendula isitativende esingenzasi ngoLIQINISOnofana AKUSILO IQINISO bese usekela isiqunto osithathako ngelwazi onalo.  
Imithetho eqalelela abantu abaphila nokukhubazeka edzujulwe etheksthini le ibonakala ingasiyo yakade, njeke kutjho bonyana ekadeni bebangekho abantu abaphila nokukhubazeka. (2)
- 1.1.8 Kubayini abantu abaphila nokukhubazeka bayenza kuhle nangokuthembeka imisebenzi abanikelwa yona? Ipendulo ayibe liphuzu ELILODWA. (2)
- 1.1.9 Ngokubona kwakho ungathi kwenzeka njani bona umuntu ongaboniko emehlwani akghone ukusebenzisa ikhomphyutha? Ipendulo ayibe liphuzu ELILODWA. (2)
- 1.1.10 Nange umnikazi webubulo elithileko ngiliphi igadango ongalithatha nawungathola bona kunesisebenzi esiphila nokukhubazeka okuthileko kodwana singazange sikuvezele ubujamo baso esibawenisomsebenzi? Ipendulo ayibe liphuzu ELILODWA. (2)

**TJHEJA: YEQA IMIDA EMITHATHU NGAPHAMBI KOKUPHENDULA UMBUZO 1.2.**

1.2 Qalisisa iinthombe ezingenzasi bese uphendula imibuzo elandelako.

**ITHEKSTHI B**

[Zikhutjhwe ku <http://www.wikihow.com/Image>]

- 1.2.1 Tlola okwenziwa mumuntu osesithombeni sokuthoma. (1)
- 1.2.2 Tlola umhlobo womdlalo obonakala udlalwa mumuntu osesithombeni sesi-2. (1)
- 1.2.3 Veza OKUBILI okubonakala kuhlukile esitulweni sokukhamba esisesithombeni sesi-2 kunalesi esisesithombeni soku-1. (2)
- 1.2.4 Konje ngothini umthetho owakhutjhwa ngurhulumende oqaliswe eendaweni zomphakathi ukwenzela bona abantu abakhamba ngeentulo ezinamavilo, njengalaba abasesithombeni bakghone ukuzifikelela? Ipendulo ayibe liphuzu ELILODWA. (2)
- 1.2.5 Ucabanga bona uyini unobangela wokuhluka kweentulo ezivezwe eenthombeni ezingehla? Ipendulwakho ayibe maphuzu AMABILI. (2)
- 1.2.6 Ngokuyelela okutjhiwo etheksthini engehla nalokhu okubona eenthombenezi, coca ngesifundo ositholileko. Ipendulo ayibe mumutjho OWODWA. (2)

**IMITLOMELO YESIGABA A:** 30

**TJHEJA: THOMA ISIGABA B EPHEPHENI ELITJHA.****ISIGABA B: UKURHUNYEZA****UMBUZO 2**

Fundisa itheksthi elandelako bese uyayirhunyeza ngokwemiyalo onikelwe yona.

**IMIYALO:**

1. Ngamagama angadluli kwama-70, rhunyeza ngendima eyodwa uveze amaphuzu amagadango ongawalandela nawufuna ukuphumelela epilweni.
2. Umutjho owutlolako endimeni awube nomqondo OWODWA opheleleko.
3. Tlola ngelimi elitsengileko ngombana uzokwabelwa imitlomelo emi-3.
4. Sebenzisa amagamakho, ungabuyeleti utole njengombana kutloliwe etheksthini ngombana uzokulahlekelwa imitlomelo.
5. Tlola inani lamagama owasebenzisileko ekupheleni kwesirhunyezo sakho.

**ITHEKSTHI C****AMAGADANGO ONGAWALANDELA NAWUFUNA UKUPHUMELELA EPILWENI**

Ukuphumelela epilweni kumnqopho wawo woke umuntu ophilako. Nanyana kunjalo abasibanengi abantu abaziko bona indlela eya epumelelweni ithomaphi begodu igcinaphi. Banetjhudu abasuke bathole iyeleliso ngegadango eliya epumelelweni kibosolwazi. Ikulomo elandelako ngeyesazi samagadango wepumelelo uCheshire Cat ayikhuluma nakayeletisa abafundi beHarvard University.

UCheshire wathoma ikulomo yakhe ngokuveza bona ukobana umuntu uya kuphi; kuya ngokobana ukuphi ngeleso sikhathi acabanga ukuthatha igadango. Okutjho bona nawumumuntu ufanele ube nomnqopho, uzazi bona kuhlekukhle khuyini okufunako epilweni bese usebenzela phezu kwayo. Abantu abazaziko bonyana bafunani nabahlelileko bayazi bona bazokufikelela bunjani lokho. Nawumumuntu akukafaneli ulindele into engekho ngaphakathi kwakho bona ize izokulethela ithabo. Ungasabi ukuhluleka ngombana kulapha kuthoma khona ipumelelo.

Kuba kuhle ukobana umuntu alinge ngaso soke isikhathi. Akukafaneli usabe ukulinga ukwenza into oyihlosileko noyibonako bona ingakuphumeleisa nanyana ibonakala iyingozi kangangani. Abadala bathi; 'Umlambo ulingwa ngedondolo'; njeke nawufuna ukuya epumelelweni ungasabi ukulinga.

Ungalisi ukufunda ngombana nawuragela phambili nokwazi kuba kulapha uyelela khona bona kuhlekukhle awazi. Ifundo isisekelo esisemthethweni esivula ingqondo bona sikhazi ukufunda siye phambili ngepilo. Yenza kube yijayelo ukufunda into etja qobe lilanga.

Lokho okufunako nangabe awukakufumani ungahlali phasinofana uphele amandla ngombana ipumelelo izizenzo ezinengi ezilandelanako nezingeze zaba yipumelelo kokuthoma nawuzenzako. Hlola ipumelelo ngokwerhelo lezenzo zakho bese uyalungisa lapha wenze iphoso khona. Qinisekisa bonyana uphila ipilo edzimeleleko ungaphephuki nomoya. Epilweni kuneenkathi ezibudisi lapha kutlhogeka bona ukhethe bona ufuna ukuphila bunjani, njeke ungakhohliseki bese uphuma endleleni yomnqophakho.

Yiba nomuntu osibonelonofisa ukufana nayenofana bewumdlule nakukghonekako. Indlela ehleyokuphumelela nenciphisa ukukhamba uhluleka kusebenzisana nomuntu owakhe wayikhamba leyondlela. Ungakhohlwa ukubathokoza boke labo abakufakele ummoya wokobana ufise ukuthola lokho okufunako.

Hlala uphethe incwajana ozokutlola kiyo nanyana yini ukwenzela bona ungakhohlwa ngombana imikhumbuloyethu ibamba into ethileko imizuzu embalwa bese iyakhohlwa.

[Ikhutjhwe encwadini yesihloko esithi *Adventure in Wonderland*, yatjhugululelwesiNdebeleni]

**IMITLOMELO YESIGABA B:** 10

**TJHEJA: THOMA ISIGABA C EPHEPHENI ELITJHA.****ISIGABA C: IZAKHI NEMITHETJHWANA YOKUSETJENZISWA KWELIMI****UMBUZO 3: ISIKHANGISO**

Funda isikhangiso esilanelako bese uphendula imibuzo.

**ITHEKSTHI D**

**YIZA UZOKWAMUKELA IHLOBO NATHI!  
KUZABE KUSINDWE NGOBEKONYANA!** (1-7 Septemba 2015)

**EMHLABANENI GAME RESERVE!!!**

**ISIPETJHELI ESINGAKHANGE KHESIBONWE!!!**

R1 500 (1X UBUSUKU)  
R2 200 (2X UBUSUKU)

BEKISA INDAWO NGOKUDO SELA ENOMBORWENI: 086 435 5453.

UKUFUMANA ILWAZI ELINABILEKO UNGAGUGULA KUWEBHUSAYITHI ETHI:  
<http://www.mhlabaneni.co.za>

1. Kwamukelwa kwaphela abakhamba bamundeni.  
2. linselo azingeni.  
3. Imikhwa, iingidi, iimphanga, amazembe neembuku akungeni.

- 3.1 Buyelela utole umutjho ongenzasi kodwana ujamiselele igama elithalelwoko ngelinomqondo ophikisana nalo.
- Ukufumana ilwazi elinabileko ungagugula kuwebhusayithi ethi. (1)
- 3.2 Igama elithi: 'Septemba' elisetjenziswe esikhangisweni esingebla ligama elibolekwe elimini lesiNgisi. Tlola igama lesiNdebele elitjho inyanga kaSeptemba. (1)
- 3.3 Tlola igama ELILODWA elihlathulula izinto ezibalwe kumbandela wesi-3 wesikhangiso esingehlesi. (1)
- 3.4 Ungathi mqondo bani welimi osetjenziswe bakhangisi ngokwehlisa imali nangabe ulala amalanga amabili endaweni le. (1)
- 3.5 Tlola isizathu esenze abakhangisi laba bona batlole amagama athi: 'GAME RESERVE' butjhigama. (2)

3.6 Khetha ipendulo enembako kezingenzasi.

Isaga esithi: 'Kuzabe kusindwe ngobekonyana' esisetjenziswe esikhangisweni esingehla sihlathulula bona:

- A Kuzabe kuzele khulu endaweni le.
- B Kuzabe kumnandi khulu endaweni le.
- C Kuzabe kunabantu abancani endaweni le.
- D Kuzabe kugadwe khulu endaweni le.

(2)

3.7 Coca ngokuphumelela kwabakhangisi bomkhiqizo lo uqalise emaqhingeni wokukhangisa. Ipendulo ayibe maphuzu AMABILI.

(2)

[10]

### **TJHEJA: THOMA UMBUZO 4 EPHEPHENI ELITJHA.**

#### **UMBUZO 4: IKHATHUNI**

Qalisisa ikhathuni elandelako bese uphendula imibuzo.

#### **ITHEKSTHI E**



4.1 Tlola bona ibizo elithi: 'Mhlekwa' lisuselwe kisiphi isenzo. (1)

4.2 Dzubhula igama elisisabizwana elisetjenziswe ekhathunini bewuveze nokobana ngesamhlobo bani. (2)

- 4.3 Buyelela utole umutjho ongenzasi bese ujamiselela igama elithalelwoko ngelinomqondo ofana nalo kodwana elingalumeliko.

Warabhalala esikhundleni sokobana ubhale?

(1)

- 4.4 Igama elithi: 'bhale' lingasetjenziswa liveze imiqondo emibili ehlukene. Tlola umqondo ohlukileko kinalo eliwiseza ekhathunini engehla le.

(1)

- 4.5 Tlola umhlobo wesifenco omunyethwe mumutjho othi: 'Qala iincwadi zakho zizele phasi.'

(1)

- 4.6 Itshwayo lokubabaza elisetjenziswe ekulumeni kamma lo limveza akubuphi ubujamo?

(1)

- 4.7 Ingabe ikulomo yomsana osekathunini le ethi: '... ngingasadosa nomoyana' imumethe umqondo othini ngokutjho kwekhathuni le?

(1)

- 4.8 Tshwaya ngekulomo kamma osekathunini lo ethi: 'Utjho abesana.'

Ipendulo ayibe mumutjho OWODWA.

(2)

**[10]**

## TJHEJA: THOMA UMBUZO 5 EPHEPHENI ELITJHA.

### UMBUZO 5

Funda itheksthi elandelako bese uphendula imibuzo.

### ITHEKSTHI F

UNomhlekhabo littawana elihle elingumaswaphela kwabo kwaSindana. Ngelesithathu lithe nalizokudla ngesikhathi sokudla lazithela phezu kwakanina, onguNaBhorholo abangwa neenzibi. Unina wamubawa bona ayombizela umntamamakhe ngeVezubuhle. Mbalu umntazana wabeka iincwajana zakhe weqa ngebelo elikhulu. Uthe nakaphakathi kommango ohlangana neThembalethu neVezubuhle kwavela abesanyana abathathu bamphosa phasi baqala ngapha nangapha bazibona bangabonwa mumuntu kuthule kuthe du, kuzwakala iinyoni kwaphela, bamgagadlhela. Munye wabo wabawa bona bamlise azange bamlalele, baragela phambili. Wabathe uyabakuza bona yimbi lento abayenzako, bavala iindlebe azange bamlalele. Wabathe uyururharurha uNomhlekhabo azange bayingene leyo abesana. Kuthe kusese njalo kwavela abesanyana besikolo abakhudlwana bambethe amayembe amhlophe twa wesikolo, egade sebabuyela esikolweni bafike bamlamulelela bagijimisa abesana ebebamgagadlhelaba. Bathe bona babone bona akunanto abangayenza beqa msinya babaleka azange basaqala nemva. Napaya babonakala babade ngamandla emmangweni babaleka inga bagijinyiswa libhubezi.

- 5.1 Igama elithi: 'Vezubuhle' elisetjenziswe etheksthini engehla le lilibizovanga/ ibizomvango.

Tlola iinkhekhe zekulomo ezimbili ezakhe igameli.

(2)

5.2 Buyelela utole umutjho ongenzasi bese ujamiselela isilungelelo esithalelw  
ebizweneli ngesinomqondo ophikisana naso.

Mbala umntazana wabeka iincwajana zakhe weqa ngebelo elikhulu. (1)

5.3 Tlola umqondo omunyethwe sisakhi esithalelw ebizweni elisemutjhweni  
ongenzasi.

Lazithela phezu kwakanina onguNaBhorholo abangwa neenzibi. (1)

5.4 Tlola bona umutjho ongenzasi lo ukuyiphi indlela yesenzo.

Wabathe uyarurharurha uNomhlekhabo. (1)

5.5 Ngokuyeleta imithetjhvana yokutlola nokupeledwa kwelimi buyelela utole  
umutjho ongenzasi lo ulungise okungakalungi.

Ngelesithathu uNomhlekhabo uthe nakafika ekhaya azokudla isidlo samadina  
wazithela phezu konina abangwa neenzibi. (1)

5.6 Tlola bona ibizo elithalelw emutjhweni ongenzasi lo libolekwe kiliphi ilimi.

Kuthe kusese njalo kwavela abesanyana besikolo abakhudlwana bambethe  
amayembe amhlophe twa. (1)

5.7 Buyelela utole umutjho ongenzasi lo bese kuthi isenzo esithalelw  
usitjhugulule siveze umqondo wokwenzayenza.

Bafike bamlamulela bagijimisa abesana ebebamgagadlhelaba. (1)

5.8 Thatha amagama asisitjho assetjenziswe etheksthini engehla le uzakhele ngaso  
wakho umutjho kuvele bona uyayazi ihlathululo yaso. (2)

**IMITLOMELO YESIGABA C:** 30  
**INANI LOKE:** 70